

DIASABRA 31 AUGUSTUS 2019

DIARIO

UN BANDERA... UN ESCUDO... UN HIMNO... UN DIARIO

☎ 582-6747

📍 Engelandstraat 29

@ noticia@diario.aw

🌐 www.diario.aw

1,75 FLORIN

CORTE

**8 aña di prison
exigi pa duo cu
a tira y herida
hoben den
lomba**

Pa su 30 aña den moda

Prome Minister cu reconocimiento di excelencia na Ronchi de Cuba


ORANJESTAD (AAN): E reconocido diseñador di moda, Ronchi de Cuba tabata tin un reunion special cu Prome Minister di Aruba, Evelyn Wever - Croes.

E mandatario a expresa cu “locual a hala mi atencion semper di Ronchi ta cu den cada paso di su exito, semper el’a envolve hopi hende. Ta un ekipo grandi ta hunto cu Ronchi awor celebrando 30 aña den moda. Pabien Ronchi”.

Den number di Gobierno di Aruba, Premier Wever - Croes a duna reconocimiento na Ronchi



de Cuba pa su trayectoria di 30 aña impresionante den mundo di moda na Aruba. “Ronchi pabien y DANKI pa tur loke bo ta hasi pa nos dushi Aruba”, e mandatario a expresa.



Ronchi de Cuba a haya reconocimiento di excelencia for di Prome Minister



ORANJESTAD (AAN): Diahuebs 29 di Augustus, Prome Minister Evelyn Wever-Croes a ricibi e bishita di un personahe cu un trayectoria impresionante den mundo di moda reconoci na Aruba y in-

ternacionalmente. Señor Ronchi de Cuba a ricibi un bunita Reconocimiento di Excelencia for di man di Prome Minister pa su dinamismo, profesionalismo y dedicacion durante 30 aña den mundo di moda.



Ronchi, den presencia di su primonan, Damia Croes, dr Eric Arends y Damilice Mansur a ricibi e reconocimiento importante aki di man di nos Prome Minister. "Locual a hala mi atencion semper di Ronchi ta cu den cada paso di su exito, semper el a envolve hopi hende.

Ta un ekipo grandi ta hunto cu Ronchi cu ta celebrando 30 aña den moda", Prome Minister a expresa. Señor Ronchi a expresa cu esaki ta su prome bishita na Colishi y a ricibi un grato sorpresa den un excelente forma door di Prome Minister. Proximamente Ronchi

ta celebrando su "30 Years of Style" cu henter e pueblo di Aruba cu un excelente show na Hilton Hotel. Den nomber di Gobierno di Aruba, Prome Minister a felicita Señor de Cuba pa su 30 aña di exito y a gradici'e pa tur loke cu el a haci pa nos dushi Aruba.